

Bosna i Hercegovina  
FEDERACIJA BOSNE I HERCEGOVINE  
**KANTONALNO TUŽILAŠTVO**  
**TUZLANSKOG KANTONA**  
Broj: T03 0 KTKV 0106267 23  
Tuzla, 25.04.2023. godine

**KANTONALNI SUD**  
**U TUZLI**

Na osnovu člana 45 stav 2 tač. i) i člana 241 stav 1 i 2 Zakona o krivičnom postupku Federacije BiH, *podizem*

**O P T U Ž N I C U**

**PROTIV:**

**FATIMA BUDIĆ**, kći Muje, rođena 02.04.1989. godine u Vlasenici, nastanjena u Sapni, neosuđivana.

**ŠEMSUDIN HASANOVIĆ**, sin Fahrudina, rođen 18.09.1990. godine u Srebrenici, nastanjen u Srebreniku,

**Što su:**

U vremenskom periodu od 01.08.2022.godine pa do 24.11.2022.godine, u Tuzli, **Fatima Budić**, kao službena osoba, obavljajući poslove v.d. direktora JU Služba za zapošljavanje Tuzlanskog kantona (u daljem tekstu "Služba"), između ostalog, odgovorna za zakonito, blagovremeno i kvalitetno obavljanje poslova Službe, u smislu organizovanja, usmjeravanja, koordiniranja, zastupanja, predstavljanja i rukovođenja radom Službe, te donošenja svih pojedinačnih akata Službe, na način kako je to opisano u članu 21. Statuta JU Službe za zapošljavanje Tuzlanskog kantona, kao i da temeljem te odredbe i odredbi tačke 10. Programa „Posao za sve 2022“, donosi i pojedinačne odluke o odobravanju Liste poslodavaca,

pa nakon što je Upravni odbor Službe donio Odluku o usvajanju Programa „Posao za sve 2022“, broj 01/1-04-1-429-10-9/22 od 28.07.2022.godine, **vrijedan milion i dvjesto hiljada KM radi sufinansiranja zapošljavanja 200 osoba sa evidencije nezaposlenih u TK-a, primarno kod poduzetnika koji su tek pokrenuli posao**, kojim se poslodavcima sufinansira dio troškova obaveznih doprinosa i/ili dio neto plaće za osobu koju zapošljava, u iznosu od po 500,00 KM mjesečno po zaposleniku u trajanju od 12 mjeseci,

na osnovu kojeg je **Fatima Budić** objavila Javni poziv "Posao za sve 2022", dana 03.08.2022.godine, te potom, shodno tački 9. Programa „Posao za sve 2022“, rješenjem od dana

10.08.2022. godine imenovala Komisiju za realizaciju Programa „Posao za sve 2022“, u koju Komisiju je, između ostalih, kao člana imenovala i **Šemsudina Hasanovića**,

*pa je Komisija u skladu sa utvrđenim kriterijima u Programu „Posao za sve 2022“, sačinila i potpisala Prijedlog Liste poslodavaca kojima se odobravaju sredstva za zapošljavanje radnika, Prijedlog Liste poslodavaca „na čekanju“, kao i druge Liste predviđene Programom „Posao za sve 2022“*

pa nakon što su zapisnik o provedenim radnjama zajedno sa prethodnim Listama dana 14.09.2022. godine dostavili direktorici Fatimi Budić, ista je po prethodnom dogovoru sa Šemsudinom Hasanovićem, kao službenom osobom, koji obavlja poslove šefa Odjeljenja za pravne i opće poslove u Službi, uz njihovu zajedničku svijest da iskorištavaju svoj prethodni službeni položaj i ovlasti istovremeno svjesni da će na taj način protivno interesima službe drugima pribaviti imovinsku korist u iznosu većem od 50.000,00 KM, što su i htjeli, i tako što će protivno odredbama Programa manipulirati listama za dodjelu subvencija, tako što će Fatima Budić prvo prenijeti na Šemsudina Hasanovića ovlaštenje za sačinjavanje i potpisivanje Lista, a kada ovaj nezakonito izmjeni Liste, rangirajući poslodavce mimo pravila Programa, Fatima Budić će sa tim poslodavcima potpisati ugovore o sufinansiranju zapošljavanja po „Programu Posao za sve 2022“,

da bi Fatima Budić, u cilju realizacije naprijed opisanog plana, umjesto da u skladu sa prijedlogom Komisije donese Odluku o odobravanju Liste poslodavaca koji ispunjavaju uslove i konačne liste za raspodjelu sredstava kako je to predviđeno u tački 10. Programa „Posao za sve 2022“, a što spada u osnovne djelatnost ustanove kojom ona rukovodi, **istog dana**, iako je bila na svom radnom mjestu, te iako je za potpisivanje već prethodno ovlastila sekretara Službe, **posebnim rješenjem od 14.09.2022.godine, omogućila prenošenjem svojih ovlaštenja na Hasanovića da isti umjesto nje samostalno odluči o konačnim listama, sve sa ciljem da Hasanoviću omogući naknadnu manipulaciju sa Listama radi pribavljanja imovinske koristi pojedinim poslodavcima**, svjesna da će on upravo tako i postupiti, pristajući da on sve to učini na takav način,

da bi Hasanović, bez znanja ostalih članova Komisije i bez vrednovanja vremena osnivanja pravne osobe, sa Liste čekanja premjestio na Listu kandidata koji ispunjavaju uslove sedam poslodavaca sa 39 radnika, a sa liste izbrisao kolonu sa datumom osnivanja pravne osobe, svjestan da je upravo datum osnivanja bio opredjeljujući kriterijum Komisije za ispravno rangiranje zahtjeva, svjesno da iskorištavanjem prethodno dobijenih ovlaštenja postupa protivno interesima Službe i javnom interesu koji se trebao ostvariti dodjelom sredstava kroz Program „Posao za sve 2022“, koji je primarno trebao olakšati zapošljavanje poslodavcima koji počinju sa poslovanjem, istovremeno postupivši suprotno odredbi obrasca 2 - Kriterijima za vrednovanje prijave /zahtjeva, Programa „Posao za sve 2022“, kojim je propisano da kod istog broja bodova prednost ima poslodavac koji je kasnije registrovao djelatnost, sa ciljem da određene pravne osobe pribave imovinsku korist, što je i htio,

pa je tako sa Liste čekanja na Listu poslodavaca koji ispunjavaju uslove **premjestio sljedeće pravne osobe:**

**1. HYPOMARKET doo Srebrenik**, sa 3. mjesta Liste na čekanju, na 58. mjesto Liste po kojoj se odobravaju sredstva, na koji način bi ovom poslodavcu kroz sufinansiranje zapošljavanja 8 radnika bila pribavljena imovinska korist u iznosu **od 48.000 KM;**

**2. PRO MONTAŽA doo Srebrenik**, sa 56. mjesta Liste na čekanju, na 102. mjesto Liste po kojoj se odobravaju sredstva, na koji način bi ovom poslodavcu kroz sufinansiranje zapošljavanja 1 radnika, bila pribavljena imovinska korist **u iznosu od 6.000 KM;**

**3. IN-EX CONSTRUCTION doo Srebrenik**, sa 44. mjesta Liste na čekanju, na 106. mjesto Liste po kojoj se odobravaju sredstva, na koji način bi ovom poslodavcu kroz sufinansiranje zapošljavanja 3 radnika, bila pribavljena imovinska korist **u iznosu od 18.000 KM;**

**4. BENKO COMPANY doo Srebrenik**, sa 66. mjesta Liste na čekanju, na 115. mjesto Liste po kojoj se odobravaju sredstva, na koji način bi ovom poslodavcu kroz sufinansiranje zapošljavanja 5 radnika, **bila pribavljena imovinska korist u iznosu od 30.000 KM ;**

**5. PRIMAT PLUS doo Srebrenik**, sa 33. mjesta Liste na čekanju, na 77. mjesto Liste po kojoj se odobravaju sredstva, na koji način bi ovom poslodavcu kroz sufinansiranje zapošljavanja 2 radnika **bila pribavljena imovinska korist u iznosu od 12.000 KM ;**

**6. JU Međunarodni aerodrom Tuzla**, sa 19. mjesta Liste na čekanju, na 67. mjesto List po kojoj se odobravaju sredstva, na koji način bi ovom poslodavcu kroz sufinansiranje zapošljavanja 10 radnika **bila pribavljena imovinska korist u iznosu od 60.000 KM;**

**7. JU UKC TUZLA**, sa 40. mjesto Liste na čekanju, na 88. mjesto Liste po kojoj se odobravaju sredstva, na koji način bi ovom poslodavcu kroz sufinansiranje u zapošljavanju 10 radnika bila pribavljena imovinska korist **u iznosu od 60.000 KM;**

nakon čega je **Hasanović**, po prenesenim ovlaštenjima, **potpisao Odluku o odobravanju Liste poslodavaca koji ispunjavaju uslove** Javnog poziva Program „Posao za sve 2022“, broj 01-30-1-633-1/22 od 15.09.2022. godine, sa prilogom *izmjenjene Liste poslodavaca kojima je odobreno sufinansiranje po Programu „Posao za sve 2022“*,

a **Fatima Budić**, dana 15. 09. 2022 godine, naložila Ameli Makul da na web stranici Službe objavi konačnu listu, koju će joj Hasanović poslati sa njene internet/mail adrese, i potom, nakon što je stavila van snage Hasanovićevo ovlaštenje za potpisivanja akata iz nadležnosti Službe, a u svrhu okončanja kriminalnog plana, naložila stručnoj službi da se, u skladu sa procedurama Službe, poslodavcima dostavi prijedlog ugovora o sufinansiraju zapošljavanja, **nakon čega je zaključila ugovore o sufinansiranju zapošljavanja i sa poslodavcima koji su se neosnovano premještene na listu kojima se odobravaju sredstva za zapošljavanje:**

- **HYPOMARKET doo Srebrenik potpisala ugovor o sufinansiranju dana 13.10.2022. godine za 3 osobe na iznos od 18.000,00 KM;**
- **BENKO COMPANY doo Srebrenik potpisala ugovor o sufinansiranju dana 26.10.2022. godine za 2 osobe na iznos od 12.000,00 KM;**
- **PRIMAT PLUS doo Srebrenik potpisala ugovor o sufinansiranju dana 13.10.2022. godine za 1 osobu na iznos od 6.000,00 KM;**

- *JU UKC TUZLA potpisala ugovor o sufinansiranju dana 13.10.2022. godine za 10 osoba na iznos od 60.000,00 KM;*
- *IN – EX CONSTRUCTION d.o.o Srebrenik, ugovor o sufinansiranju za 1 osobu na iznos od 6.000,00 KM dana 01.11.2022.godine potpisan od strane poslodavaca,*

na koji način su ovim pravnim osobama pokušali pribaviti imovinsku korist *u iznosu od 102.000,00 KM,*

*dok sa JU Međunarodni aerodrom Tuzla i PRO - MONTAŽA d.o.o. Srebrenik, nije potpisala ugovore o sufinansiranju jer nisu dostavili potrebnu dokumentaciju, da bi nakon saznanja za istragu donijela dana 24.11.2022.godine odluku o obustavi isplate sredstva po Programu „Posao za sve 2022,*

**Dakle,** kao službene osobe u Federaciji iskorištavanjem svog službenog položaja pokušali pribaviti drugom imovinsku korist u iznosu većem od 50.000,00 KM,

**Čime su počinili krivično djelo – Zloupotreba položaja ili ovlašćenja – iz člana 383 stav 3, u vezi sa stavom 1, Krivičnog zakona Federacije Bosne i Hercegovine, a sve u vezi sa članom 31 i članom 28 tog Zakona.**

1. **PRIJEDLOG SUDU DA SE osumnjičenim Fatimi Budić i Šemsudinu Hasanoviću, na osnovu člana 76. stav 1. KZ-a F BiH, izrekne SIGURNOSNA MJERA zabrane vršenja poziva, djelatnosti ili dužnosti, a koja bi se odnosila na obavljanje svih vrsta rukovodećih poslova u organima uprave, ustanovama i javnim preduzećima u Bosni i Hercegovini.**